

Fɔɔla wadnoogrga han da hɔɔd

TIMOTEEWU

kee

————— B´ba wadgankenan bii —————

Fɔɔla hɔɔda wadgankena hã ηmεεheeduur Timotea. Timotea sa da ba na Grεεs tiin, hã nya ba na Yuudaa Krista tiin. Timotea da hefɩa Fɔɔlwu hã huru kenan. Hã kit wo hã kwεεla, Fɔɔla t ka tuum-wu kaalant l´kan ba gemm ree, wo Kɔrεent n Tesaloniik. Hã ka ba Hεfεεs kpaturu berma. Fɔɔla t hoorm-wu wadii hireh ka gbaama-wu na hã kpat hã bεm Yeesu Krista ηmεεheeda.

Wadnoogrgankenan, Fɔɔla sahl Timoteewu rarm, ka bahla-wu na Krista tiiba biiba weraa gokaat, ka ta weraa-wu ln ba na hã mad hã kpaturun tiiba lee, n han ba hã weriim lee, n ln ba na hã gbaam na bã hεm bii.

- *Hubi1^{gan}, Fɔɔla bahla na bã mad bayen n gokaat gwεεt weriitba.*
- *Hubi2^{ga} kakefnan hubi4^{gan}, Fɔɔla weraa ln ba na bã neer Krista tiiba kpaturun lee.*
- *Hubi5^{ga} n hubi6^{gan}, Fɔɔla hagla kunfɔgɔba, n kpaturun bermba, n yuumba n bã bermba, n nan kwεgdm tiiba.*

Seenb

1 ¹ Man nnii Fɔɔla, Yeesu Krista *tumta. Wú n t´juuni dahd Sangband bã herã na mã bεm welee. Yeesu Kristwii hεn nnii tn daag. ² Mã hoora wadgankena mã buhɔmga Timotee ven, ven nnii mã gwεεt hεn tiim buga mɔmga. Sa Sangband n t´Berm Yeesu Krist bã kaawl v`hεn bã si-v hɔmgu n sɔklb n nigigu!

Bii b´weraa na gokaat weriitba bo na bã he bεhgu bii

³ ¿Kpaa deer na man da ked Masedonii lee, n jow-v na v`kpat v` bεm Hεfεεs kɔrgu nii? Biiba ba kan ka weraa gokaat gwεεt.

Lee, mã gbaam-v na v`kir n ban na bã saa gokaat gwεεt weriibii ⁴ n gokudkahtii n yandaba hida hoftii, na welee kena n kpala, l`kpaa tora na Sangband diila he hã jugun. Biilm, diilhee hεna ηmεεgb ka tagaa n gwεεt hεn tiim. ⁵ Mã sahl-v welee wadii na sɔklb b`rena kwεεwhɔmrn n rarhɔmmn gwεεt hεn tiim mɔmmn bii berjɔm. ⁶ Biiba gwid welee gwεεtii kaawr n boorm n ka weraa joojoogwεεt. ⁷ Bã herã welee ka bag na bã bεm Mohiisa *bahlb weriitba, l`ba na bã kpaa mi bã t weraa tii ka ta kpaa mi bã ret bɔhɔɔ ka dihaa bã ni tii kɔtɔd mεh'.

⁸ T`ta miil na bahlb ba hɔm ka v`hεna-b n ηmεεgb wo ln gbaama lee. ⁹ T`ta miil welee na l`ba ree bahlb hɔma kaa. L`ree-b nidbεhba jugun wo bã kpaa vala bee, bã vida nidba hεn bee, bã nima Sangband bee n fubεhtiiba. B`ta hεla bã kohla kowt bee, bã kuu bã nyamba laa bã samba bee n nidkuudvolbee, ¹⁰ n yaruutba, n daba bã go n taa bee, bã gweedma yuumba bee, gokaat tiiba, n bã foor gokaat hidrn bee, n biiba bã neerm rɔta n gobiint gwεεt vn sohdg t`man tii bee. ¹¹ Gobiint gwεεt weriibii magra n Gohɔmt Sangband nn to-ma tii. Biilm, welee weraa na Sangband bagl t`hɔmgu.

Hɔmgu Sangband nn her Fɔɔlwu kuu

¹² Mã seenja t`Berm Yeesu Krista, na wii herã ηmεεgb n sahm-ma gemmnt na mã bee mã hεm ηmεεgbnbina. Biilm, wii nyana na mã magn le n rood-ma na mã hεm hã ηmεεgb. ¹³ L`ba na man, liila daa, mã da nima-wu ka dadra-wu, ka suu-wu l`bahr n na mã da kpaa mi mã reb hεna bii, ka ta kpaɩ n gwεεt hεn tiim. Gwentah lee, hã yum mã figm, ¹⁴ Saberma t hugl-ma n hã hɔmgu n sahm-ma gwεεt hεn tiim n sɔklb. T`sohda welee t`n Yeesu Krist t`laglgmn. ¹⁵ Gwεεtntina ba gobiint ka mag na baaben tia sohdg-t. Tii nnii na: «Yeesu Krista daan tant hεn na hã dah fubεhtiiba juuni.» Man nnii bã noogra. ¹⁶ Lee, Sangband t yum mã figm n sɔkl na Yeesu Krista tag n maa hεn, man, man ba na fubεhtiiba huraanɔ man, na hã werii hã kwεεwdeb kpaalaa, ka lɔg-ma wo hii nnii biiba bã nan tia hã jugun na bã nan sohdg neerm m`bee kakefnan mii bee nn ba bã tɔn.

¹⁷ Tn jeerlm ka nyoka Sangband kakefnan!

Dii n jah beeln.

Dii nnii huraa, hã bee kakefnan.

Dii neera kakefnan.

Tm I

Dii nnii hii nn kpaá yu.
L' bəm welee!

¹⁸ Mâ buga Timotee, mà tɔɔ-v haglanhena l' hel *gwɛɛt bɔfɔɔtba noon gwɛɛt Sangband nn da ree n bɔfɔɔ v' jugun tii. Higr gwɛɛtii hɛn ka bo na v' teew hoodr hɔm ¹⁹ ka mad gwɛɛt hɛn tiim v' rarmn ba hɔm! Biiba dodg bayen n gwɛɛtii n bɔrii gwɛɛt hɛn tiim. ²⁰ Bá ni nnii Himeenewu n Háleksandra. Mà taag-ba *Saatana nuhun na l' dar bà tobr bà miig na l' kpañ hɔm na bá suum Sangband.

L' ba na bá seej̄m baaben tia jugun

2 ¹ Tii lee, má ka gbaama nooga saf̄ na t' seen̄bn, t' gbaam Sangband ka jobla-d ka seen̄a-d na dii hɛra ηmɛɛḡb nidbee mɛmbee jugun. ² L' ba na t' ta seej̄m tant bermba jugun n nan ta bermvolbee mɛmbee jugun, ka bo na t' bee t' neer nigiiḡun, bɛf̄gu kuugu kpañ'. Lee wen lee, t' bee t' neer l' weraa na t' nawla tyen n Sangband hɔm ka hɛna b' magr n dn bii. ³ Bii nnii b' magr n t' juuni dah̄d Sangband ka ba hɔm na t' hɛm. ⁴ Biilm, Sangband bagl na d' dah̄ nidbee mɛmbee juuni ka bo na baaben tia miig gobiint. ⁵ Sangband dyend n jah̄ beeln. Nid hayen̄ha n jah̄ ta beel Sangband n nidba l' huuga. Wii nnii Yeesu Krista. ⁶ Wii lɔgra h̄a neerm n faadm na h̄a dah̄ nidba mɛmba juuni. Welee weraa na vuugu Sangband nn bag na d' dah̄ nidba mɛmba juuni kuu taann. ⁷ Tii nnii Sangband nn kɔtg-ma na *tumta na mà ked n Gohɔmt ka fan-t *bá kpañ na Yuudaa tiiba bee, ka weraa gwɛɛt hɛn tiim n gobiint gwɛɛt. Man bɔfɔɔ tii ba gobiint. Mà kpaá hogla.

Daba n fɔḡba beeb kpaturun

⁸ Tii lee, mà bagl na ka la baateekana, daba seej̄m ka via bá nifi n faaga^z, tiit kpañ na bá biir bá hɛn, ka kpañ n kwɛɛwweerga, bà ni kpañ kpala gwɛɛt.

⁹ Fɔḡba lee, mà bagl na bá yoh̄m bà dimt hɔm wo ln gbaama lee. Bá daa lɔɔm bá diila bá jii maantrb jugun laa, sika laalm n sika tobjilii lom laa, dimkparma yoh̄b jugun n jah̄aa, ¹⁰ bá weriim bá bɛɛrm bá ηmɛɛhɔmt hɛbn. Welee beebii magra n fɔḡba bà

2.8 *Ka via mà nifi n faaga.* Da Yuudaa tiiba seen̄b h̄ɛb nnii. Nyaan Yum²⁸an.2, n 63^{gan}.5, n 77^{an}.3, n 88^{an}.10, n 119^{an}.48, n 134^{an}.2, n 141^{an}.2, n 143^{an}.6.

bɔfɔɔ na bà vala Sangband bee. ¹¹ L' ba hɔm na bá wen weraa lee wen, fɔḡba kewl̄gm kewluh̄ ka ba belah̄'. ¹² Mà kpaá saf̄ fɔḡwu huru na h̄a weriim laa h̄a vidgm daawa jugun. L' ba na h̄a bɛm suuu. ¹³ Biilm, Sangband da ree *Hadamwu saf̄ le n ree *H̄ɛeva. ¹⁴ ¿ H̄adam nnii ln da hogln? ¿ Lag h̄a fɔḡ nnii ln da hogl le h̄a ka ba valg Sangband? ¹⁵ Gwentah̄ fɔga daa h̄a yuun̄ jugu dah̄b h̄a maadb kaa. H̄a daa h̄a ta yuun̄ jugu dah̄b ka h̄a hoh̄la hayenwu n tiŋa ka ba n gwɛɛt hɛn tiim n sɔklb, h̄a neerm ba buudm.

Kpaturun bermba n bà tɔrḡtba

3 ¹ Kpaya! Gwɛɛntina ba gobiint. H̄ii h̄a bag kpaturu bermt wii miim na ηmɛɛhɔmb nnii han sɔkla. ² L' ba na kpaturu bermba bɛm na nidhii nnii tiit nn kpañ na bá biir h̄a hɛn. L' ba na h̄a bɛm n fɔḡ hayen, ka mad hayen hɔm, ka mi gwɛɛlb. L' ba na h̄a neerm bɛm hɔm, h̄a sohd̄a saanba hɔm, ka mi weriib, ³ ka kpaá kuu daam, ka kpañ gobaḡb, ka ba bulaa, ka ba heee. L' kpañ na h̄a vuur h̄a niini liḡbiir kaa. ⁴ L' ba na h̄a lɔɔm nɔmb h̄a haar jugun, h̄a bii hoh̄la hiyen n tiŋa ka vala. ⁵ Ka hii kpaá mad hayen h̄a haar hɔm, ¿ lan nnii han ba h̄a bee h̄a mug Sangband kpaturu? ⁶ L' ta kpañ na l' bɛm na hii nnii h̄a to hayenwu Sangband l' ban hiidg. Ka lag welee, l' ba l' bee l' he na h̄a weriim hayen, l' da l' he na h̄a lor, l' yaa-wu n yaagu wo Kunida. ⁷ L' ba na bá kpañ na Krista tiiba bee bakm-wu hɔm ka bo na jiw̄hi daa kpal-wu h̄a lɔɔ Kunida kpaan.

⁸ Tɔrḡtba lee, l' ba na bá neerm saf̄m-ba valgm, bà kpañ noora h̄areh̄'. L' kpañ na bá nyim daam n dewt, ka ta kpañ hɔm na bá dɛɛr liḡbiir kaa. ⁹ L' ba na bá mad kpeŋkpeŋgan diila Sangband nn da ree n werii bá ka tia h̄a hɛn hee n kwɛɛwhɔmr, na gobiint refan. ¹⁰ Ka l' boo hii bagl welee ηmɛɛḡbii, l' ba na bá jah̄uu-wu saf̄'. Ka tiit kpañ na bá biir h̄a hɛn, bà to-wu-b.

¹¹ Fɔḡba bá ta bag welee ηmɛɛḡbii bee, l' ba na bá neerm saf̄m-ba valgm, bà kpaá gbaf̄r nidba, ka mad bayen hɔm, ka magr na bá daagm bá jugun l' mɛngun.

¹² L' ba na tɔrḡtba bɛm n fɔḡba hayen hayen ka ba na biiba nnii bá mad bà bii hɔm ka lɔɔ nɔmb hɔm bá haya jugun. ¹³ Biilm, biiba bá hɛna welee ηmɛɛḡbii bee sohd̄a jeen̄lb. L' ka saf̄-ba huru na bá bee bà bɔfɔɔm Yeesu Krista gwɛɛt ka kpañ n fobɛf̄gu na ban tia h̄a hɛn.

Tm I

Miib gwæet hæn tiim nn sah-t bii

¹⁴ Mâ hoora-v wadgankena ka daag na maan daan v` man goorhanhenan. ¹⁵ Gwentaf ka l`boo l`hiida mà kpaâ kena, wadgee ba kâ werii-v lan nnii ln ba na v`mad vyen Sangband kpaturun lee. Dii neeran. D`haar nnii kpaturu, hù ba na bibidr ka togr gobiint. ¹⁶ Biilm, Sangband kpeŋkpeŋgan diila há hel t`gwæet hæn tiim fee ba berma. Hæe nnii na,

Krista ree hayen n werii ka kitg nida.

*Vohoom Buudm t ree-wu n werii na hà ba hõma,

l`saa *sangbantumtba t yum-wu,

bá faa hà gwæet *bá kpaŋ na Yuudaa tiiba bee huuga,

tiga menan nidba t tii hà hæn,

l`kol-wu n faaga sangbambiimn na há sohdg nyokb.

Gokaat weriib b`nan kena gokaawran bii

4 ¹ *Vohoom Buudm bõhõõ wiingan na gokaawran, nidba kod kee bà kir gwæet hæn tiim. Bà kee bà tagd biiba bá hogla ka weraa gokaat gwæet bee kaa. L`ba na welee gwæetii rena kunidba man. ² Rarbehm tiiba kee bà hoglm-ba, ka fiwla-ba. Rarbehm tiibee rarm kpiira l`bahr n na kunida lamba ba bà jugun. ³ Welee tiibee kee bà kirm yaala, ka ta kir na bá daa jum diit tiit. L`ba na Sangband ree l`mengu. D`hera welee na nid há mad d`gwæet hõm ka mi gobiint wii sohdgm l`mengu ka seenja-d na dii hera hmeëgb. ⁴ Biilm, bii Sangband nn ree bii membii ba hõm, bii kpaŋ kan na bà kirm. Gwentaf, l`ba na bá sohdgm l`mengu ka seenja-d na dii hera hmeëgb. ⁵ Sangband gwæet n seenj hena l`mengu t kit hõm d`nongan.

⁶ Ka v`doola gwæetntina v`teelba, v`bem na Yeesu Krista hmeëheedhõma, ka teg n gwæet hæn tiim gwæet n nan weriihõmb vn sohdg bii. ⁷ Dodg vyen n gokudkaft n nan goyemret! Nakm v`ni na v`nawr n Sangband!

Fõõla sahl Timoteewu hmeenm

⁸ Gbanu saklb ba hõm. Gwentaf, bn tora bii kpaŋ bii. L`ba na v`n Sangband n`nawrm beel daft. Welee hena t`daag jana n su neerm jugun. ⁹ Gobiint gwæetn, t`magra na bá sohdgm-t ka kpaâ nigaa. ¹⁰ T`faml ka hena hmeëgb l`bahr n na t`ba n daagb n Sangband

jugun. Dii neeran. Dii nnii nidba memba juuni dafta. Bá tii d`hæn bee mõmba. ¹¹ Bõhõõm gwæetii ka weraa-t! ¹² Daa saa na Krista tiiba nim-v l`bahr n na fadran! Gwentaf, v`gwæelb, n v`beeb, n v`sõklb, n v`gwæet hæn tiim, n v`neerhõmm sahm tõiib! ¹³ Sah na mà taan, nawlgm vyen n *Wadbuudgan gwæet kaalb, ka hagla nidba ka weraa-ba! ¹⁴ Daa nim bii ln sir-v ka tagaa n *Vohoom Buudm bii! *Gwæet bõhõõtba da ree welee gwæetii n bõhõõ v`hæn, bermba t seenj ka deaa bá nifi v`jugun. ¹⁵ Hæm welee hõm ka sug na bá membee yum lan nnii vn ked n nõngan lee! ¹⁶ Miim ln ba na v`neer lee, ka ta mi lan nnii ln ba na v`weriim lee! Hæeim welee ka bo na l`nan dah v`jugu n nan bá kewla-v bee juuni!

Fõõla gbaama Timotee na há sahm Krista tiiba rarm

5 ¹ Daa nyagdgm dakpalmwu kakaku! Doolgm hà kwæewr wo vyen v`sa, ka doola kwæelba kwæewa wo vyen v`teeldaba! ² Ta doolgm fõgkpalmba kwæewa wo vyen v`nyamba, ka doola fõgkaaba kwæewa wo vyen v`teelfõgba! Hæm welee n kwæewhõmr!

³ Lõõm kunfõgba jugun nõmb hõm! Bá neer bayen bee mõmba. ⁴ Ka kunfõghii ba n bii laa yakii, l`ba na hí kiigm há jugun! Welee weraa na hi hmeela hi reba bii ban her-hi bii. Welee beel Sangband loogu.

⁵ Kunfõga mõm nnii há kpaŋ n hii na há kiigm há hæn wii. Hà lõõ hà daagb Sangband hæn ka seenja nyingu n muunu ka gbaama na d`tõrgm-wu. ⁶ Kunfõg hà neer ka hena hæn sõkla bii wii lee, l`ba na bá kom-wu hà neer. ⁷ Ln ba na v`deedgm-ba tii nnii ka bo na hii daa yum tiit na hà biir bá jugun. ⁸ Ka hii kpaâ kiig hà haar jugun, hayen hà dahja mõmga jugun, há miim na hà gwid gwæet hæn tiim kaawr. Hà gwædg n kwæen n hii hà kpaŋ na Krista tii wii jugun.

⁹ Há ba na bá hewl kunfõgba jugun wii ba na há ta bina kwefroond, ka yal myen. ¹⁰ L`ba na bá miim-wu há hmeëhõmb kaa, ka dow há bii hõm, ka sohdg saanba hà neermn hõm, ka hig sangbantiiba nakpai, ka tõrg kunyõtiiba, ka ta nak hà ni n hêm hmeëhõmt. ¹¹ Daa la hewl kan kunfõgkaaba, l`kõtõd na l`wen vida n ban bá ka bag na bà mõõg yaala, welee beebii t ka hena bà doda bayen n Krista ¹² ka lõõla bayenwu yaagun na bà gwid ban da foog n foorm há hidrn wii kaawr. ¹³ Ban la bag na bà mõõg yaala lee, ka kpaâ bag

Tm I

na bà hēm bii, ka yohwa n haya ka loola bá noora t' kpañ na bá ret tiin, ka gwæla yoh', ka vuudra toora n haya.

¹⁴ Tii kaa nnii mà nn bagm na bà mɔɔg yaala hēb, bà meed bii, bà kiigm bá haya hēn, ka bo na rafeedba daa way n welee bà tulg-t hoogu. ¹⁵ Bá ni biiba fetg Kristwu kaawr gwidm n ka tagd *Saatana.

¹⁶ Ka Krista tii fɔghii ba n kunfɔgba haa, l' ba na há kiigm bá jugun ka bo na l' daa hewl kpaturu jeegu. Lee wen lee, kpaturu bee hù loom nɔmb kunfɔgba bá ba bayen bee jugun.

Kpaturun bermba jugun gwæet

¹⁷ Bermba bá kpañaa kpaturu hóm bee mag na bà sohdg jeerlb tɔmb mref', bá kuu bayen ka ta faa Sangband gwæet bee mɔmba.

¹⁸ Biilm, l' hɔda *Wadbuudgan na: «*Daa fiid naagb noor b' wen tɔra-v kpam ηmεεgt!*» L' ta hɔda na, *há hēna ηmεεgb wii, l' ba na hà sohdg hà fat.*

¹⁹ Daa tii na hii tulg kpaturu bermhiiwu hoogu ka nidba bareh laa batahba kpañ jeh̄r halaha kaa! ²⁰ Nyagdgm bá hēna fubeh̄ii bee nidba nongan ka sug na volbee he fobeh̄gu bà daa tag welee hurh̄uu!

²¹ Mà bah̄la-v tintii Sangband n Yeesu Krist n *sangbantumtba nongan. L' ba na v' valgm l' mēnguu ka kpañ ηmeta hii hēn laa ka kpañ baal v' niinin tiiba.

²² Daa kpidoov v' dee v' nifi hii hēn ka bo na há fubeh̄ga daa kpen v' jugun! Ven v' mɔma, kpat v' bēm *kel kel.

²³ Wo vn ba n bēh̄ii hēruh v' raawt jaarŋa-v lee, daa nyim nyaalm n jah, ta bowiim daam jah'!

²⁴ Biiba fubeh̄ii ba wiingan l' kpañ gemm na bà jah̄uu-ba, volba rei ba fohm̄gan. ²⁵ Ta welee nnii ban miigaa ηmεεh̄omt, t' la ba fohm̄gan tii, l' nan rea-t.

Yuumba n bà bermba gwæet

6 ¹ Bá ba na yuumba bee valgm bá bermba ka bo na hii daa gwæel bēh̄gu Sangband n Goh̄omt l' jugun! ² L' kpañ na yuumba bá bermba ba na Krista tiiba bee nim-ba ka diila na bá bermbee ba na bá teelban. L' ba na bá hēm bá ηmεεgbii hóm l' yata, l' kɔtɔd na bá wayaa n bà ηmεεgt bee ba na Sangband bii dn sɔkla hii nnii.

Gokaat n gobiint Sangband gwæet weriitba

Ln ba na v' weriim ka gbaama na bà hēm bii nanaf'. ³ Ka biiba bee ka weraa gobeh̄t ka kpañ tagd t' Berm Yeesu Krista gwæet, ka ta weraa gwæet t' rota n gwæet hēn tiim ret, ⁴ bà weraa bayen l' bah̄r n na l' jomlg-ba. Bà kpañ mi bii, gobeedyemrem n gowiib bēh̄ii mada-ba. Welee kena n nɔmmɔlb, n kpala, n suut, n diilbēha nidba jugun. ⁵ Welee ta kena n gobeedyemrem bá geewa ka kpañ yu gobiint bee huuga. Bà diila na gwæet hēn tiim ba na huru huufu nnii ban tagaan na bà yuuj kwεgdm.

⁶ L' ba welee biilm na gwæet hēn tiim ba na kwεgdberrmm miimn ka nida yu na hān ba n bii magra n wun. ⁷ ; T' daan tantntina hēn ka mad biin? Ta welee nnii tn nan kulaa ka kpañ mad bii. ⁸ Tii lee, ka t' gbe n ka ba n diit n dimgu, l' taara welee. ⁹ Gwentafhaa, biiba diila t ka kulaa kεgt jugun, l' saa na bá loo tarmgan. Welee tiibee loo torgan l' bah̄r n diilbēha hà hēhr-ba na bá hēm b' kpañ hóm bii. Bá diilhee loola nidba kuumn ka saa bà boor. ¹⁰ L' ba na liǵbiir kaa dērm ba na bēh̄gu mēngu bilga nnii. Biiba hera welee l' fiwl-ba n gwæet hēn tiim huru bá ka ju kunyɔŋu kɔd, l' ba na l' reda bà mɔmba bà man.

Gwæet hēn tiim hoodr tab

¹¹ Ven, ven ba na sangbantii ven, kirm welee mēnguu! Bēm sɔbb ka nawla vyen n Sangband, ka ba n gwæet hēn tiim, ka hugl n sɔklb, ka la haf̄r, ka ta ba bulaa! ¹² Tam hoodr d' ba na gwæet hēn tiim red dii! Sohdg neerm m' bee kakeh̄nan mii nifi hirih'! Welee neermii kaa nnii Sangband nn roodg-v. Da yah̄dg v' noor n bɔh̄ɔɔ nidba kɔd nongan na tia Krista hēn. ¹³ Sangband sahl want mēnt neerm. Yeesu Krista da yah̄dg hà noor n bɔh̄ɔɔ gobiint Fɔons *Filaata nongan. Sangband n Yeesu Krist bà nongan nnii man haf̄la-v ¹⁴⁻¹⁵ na v' mad bah̄lbii hóm ka ba yagah', ka kpañ n tiit na bà biir v' hēn kakeh̄nan goor Sangband nn nan rea t' Berm Yeesu Krist d' werii dii.

Biilm, Sangband ba dyen.

Dii nnii hómgu bilga,

huraamba Huraa,

bermba Berma.

¹⁶ D' kpañ ku,

d' gool wiinga kiiga

hii nn kpañ hà bee hà geedg kee ni.

Tm I

Hii kpaɔ yuu-d,
 hii kpaɔ hà bee hà nyaan-d.
 Dii hefl n jeerɔb n gemmɔt kakehnan.
 L' bɛm welee!

Fɔɔla gbaama Timotee na hà sahm kwɛgdm tiiba rarm

¹⁷ Bahlm waagankena kwɛgdm tiiba na bá mug bayen! Bá daa jahrm bayen, bá daa loom bá daagb kegɔ t' kpaɔ hiida tii hen! Bá daagm Sangband jugun! Dii sahl-t kegɔtii mentii kpaalaa na t' bɛm nyaagbn. ¹⁸ Ta bahlm-ba na bá hem hɔmgɔ, na bá hem ηmɛɛhɔmt kɔd, ka sahl n kwɛɛwhɔmr, ka raar ban ba n bii! ¹⁹ Ka bà hɛna welee, bà kolma su kaa kegɔmt mɔmt ka sug na bà nan yuunɔ neerm mɔmm.

Bahlkawrb n seenɔb

²⁰ Hai Timotee! Mad hɔm bii Sangband nn sir-v bii! Daa loom nɔmb gwɛɛlyemreb b' rɔta n gwɛɛt hen tiim reb bii jugun! Daa loom nɔmb gwɛɛlb b' higr nidba nn kɔkma na miib bii jugun! ²¹ Biiba loɔra welee na bá ηmɛɛgb nni n bɔrii bà gwɛɛt hen tiim.

Sangband hɔmgɔ bɛm n`man!

Fɔɔla wadrehɔrga han da hɔd

TIMOTEEWU

kee

————— B' ba wadgankenan bii —————

Fɔɔla hɔda wadgankena hà ηmɛɛheedtuur Timotea. Hà bahlkawrb beel kà ni. Fɔɔla ba sargan, há tuurmba kɔd t nyab há man. Hà miil na há kuum ba nyɔh', há ka bɔhɔɔ Timotee na l' hera nni.

- *Hubi1^{ga} kakehnan hubi2^{ga} vug13^{un}, Fɔɔla seenɔ hà gwɛɛt sohdgtwii hɔm ka gbaama-wu na há hem hà ηmɛɛgbii hɔm. Hà sahl-wu ηmeenm ka deeda-wu han werii-wu bii. Hà ta gwɛɛla n wun l' hel há kpama tiiba neerm, ka ta wayaa ka bɔhɔɔ-wu hoodr han ba hà tam dii n kunyɔɔɔ han ba hà di hà ηmɛɛgbiiin kuu.*
- *Hubi2^{ga} vug14^u kakehnan hubi4^{ga} vug5^{un}, Fɔɔla weraa-wu ln ba na há mad kpaturu lee, n ln ba na há mad hayen n bá gɔntra gobiint gwɛɛt bee lee. Hà ta bahla-wu na há miim na biiba ba bà vidg kpaturu jugun. Lee, há ka sahl-wu ηmeenm ka deeda-wu bii b`da gɛtɔ hà mɔma jugun Timotea nɔmbn bii. Hà ta bɔhɔɔ-wu na há miim na bii b`hɔd bá tia Krista hen bee bii nni. L`gbaama nan na Timotea kpat hà mad ηmɛɛgb ln taag há nuhun bii hɔm.*
- *Hubi4^{ga} vug6^u kakehnan vug22^{un}, Fɔɔla fɛla wadgee ka bɔhɔɔ-wu ban ba bà kuu-wu lee, ka hoh-wu na hà kenm weem Roomaa kɔrgun ka ta bɔhɔɔ-wu hayen hà diila jugu jugu gwɛɛt.*

Seenɔb

1 ¹ Man nni Fɔɔla, Yeesu Krista *tumta. Sangband sɔkl n hem na mà kitɔ welee. Man fanl neerm ln bed na l`nan sahl-t t`n Yeesu Krist t`laglɔmn mii gwɛɛt. ² Mà foor wadgankena mà buhɔmgɔ Timotee ven. Sa Sangband n t`Berm Yeesu Krist bá si-v hɔmgɔ n sɔklb n nigigu!